

閩都記卷之二十七

郡人 王應山 纂輯

郡東南福清勝蹟

大田驛東而爲福清縣環縣治爲儒學襲慶坊聖蹟寺陳  
大叅生祠城隍廟玉峯道院林烈婦宅元明王廟都巡感  
應廟鷺峯山康王行祠玉融山薛廷寵墓社稷壇鄭介夫  
祠龍首橋林同宅小孤山芳林道院網山林亦之宅元符  
陂福山寺水南觀龍江橋海口民城龍江龍山書院福真  
觀海口場稅課局鎮東衛烽火山鹿角山小練山敖陶孫  
墓大姨山瑞岩寺洞溪橋劉砥墓延慶寺拱辰山陳廉墓

卷二十七

求放心齋

林安宅林正華墓螺嶺天王寺孚應廟石尤嶺七仙巖五  
周叢傀儻嶺常思公館金翅山天竺寺仙舉巖石塍橋宏  
略陳仕賢墓古屯石竺山無患溪許良朋墓靈石寺應  
峯寺黃蘗寺安福寺翁陂山逕江躡雲橋漁溪橋聞讀山  
沙塘民城鼓樓祭苗墩牛田場靈隱寺拜井化北里大湖  
洋嘉福寺澤朗山黃蘗山鄭渚化南民城福興寺蘇溪昭  
應廟虞雄墓雲峯重興寺新興寺蒜嶺驛昭靈廟盧焦石  
迎仙港江陰里白嶼山雙嶼壁頭山萬安所城三十六脚  
湖牛頭石海壇山南日嶼

福清縣在鷺峯山之麓去郡城百二十里唐嗣聖十六年析長



樂郡八鄉置萬安縣天寶元年改福唐唐五代爲閩改永昌  
後唐長興四年始稱福清吳越有閩土屬兩浙宋太平興國  
二年改屬太平軍八年復改隸福州元升爲州 國初復爲  
縣古名萬安福唐永昌廣一百二十里袤一百四十五里東  
抵海五十里西抵興化府六十里西南抵莆田一百二十里  
南抵海一百二十里北抵長樂二十 里西北抵閩縣六十  
五里宋設十鄉領三十六里元改六隅里如之 國朝初編  
戶三十六里今爲六隅七鄉領四十四里統圖一百一十有  
三初 有城正德八年令朱袞始爲四門東曰文興北曰玉  
屏南曰龍江西曰雙旌嘉靖三十三年因倭患更築垣周九

卷三

二

求放心齋

百九十三丈高一丈八尺厚一尺四寸女牆一千三百警舖  
二十四建門樓四水關二三十七年築二敵臺城增高四尺  
環垣上爲堞樓表裏間夾道濬濠深廣各二丈縣治麻唐宋  
間屢有興廢 國朝洪武初因元州治宏治十五年關而新  
之嘉靖三十七年爲倭所焚四十五年知縣葉夢熊重建布  
政分司在縣治東按察分司府館并縣治西陰陽學醫學并  
南隅坊前養濟院在後洪山

儒學在縣治東宋元豐間邑人游冠卿捐地宋元間屢有建置  
至正九年知州林泉生更正其制 國朝洪武初因元之舊  
重修明倫堂嘉靖三十七年燬于倭知縣督應元葉夢熊相



繼新之萬厯間知縣徐師張改泮池于二門外名宦祠在廟門東祀唐令賈郁尉林攢宋令方偕郎簡莊柔正顏思魯方棡劉朔而下 國朝知縣江仁而下教諭周南何公溥凡三十七人鄉賢祠在廟門西祀宋鄭俠而下凡二十一人 龔慶坊在譙樓東宋政和間爲林高一門科第立紹興間更名叢桂後改承宣高積官屯田員外郎子槩積官集賢校里槩子四人希顏邵旦同登甲第旦在臺糾彈悉協公論終河東轉運子膚亦有時名惟希顏二人阿附愼王隕其家聲 聖蹟寺在縣北隅五代唐天成五年建有靈源洞放生池 國朝宏治間重修

卷七

三

求放心齋

陳大參祠爲陳貴誼立宋紹定二年詔罷福清稅貴誼力也邑人德之

城隍廟在縣治東宋康定元年令鄭孟賓建相傳縣城隍廟萬安里土神也乾道末劉朔爲令一夕睡未熟夢一老人白髯道袍語之曰省元外早所服藥姑止之服恐增病朔素剛不之信至晚果倦憊又夢此翁云不信吾言自貽伊戚可藥肆中市某散服之卽愈朔如其言遂愈不知其何神也後朔以宮祠改官又夢翁來別曰吾乃邑之土地疆域有限不得遠送前途願自愛

玉峯道院在縣治西塘邊元至正二十五年建 國朝永樂八



年重修

林烈婦宅烈婦名懋細適鄭若舟舟從父官邸以秋試還閩疾卒材聞訃慟絕奔喪至家積十七日死之萬厯間詔旌其門

元明王廟在縣治西神姓陳名諱無考僞閩封王爵宋嘉祐中知縣王某遷祠爲廬靈怪屢現寢者不寤元祐三年知縣方叔完復爲湖其怪遂息四年復創行祠于縣之東

都巡<sub>中</sub>應廟在縣治西隅神姓許名忠建安人唐末爲威武軍都巡檢使屯兵備寇乾符五年黃巢陷福州神夢天使唐葛周三將軍助已明日大交戰大破之巢退閩中獲安明年卒

卷三

四

求放心齋

人思其功爲立祠請于朝賜號感應闐闐中嘗火人見其旗旌森列屋上須臾風定火息靈異多類此

鷺峯山在北隅縣治主山也五代漢乾祐三年有異禽來集五色炳煥或以爲靈鷲也故名宋令張伯昌詩靈鷲峯寒碧玉堆紅塵隔斷小軒開忘言更覺諸緣盡中有桃花點翠苔東嶽行祠在覆釜山下宋嘉定八年朔廟貌甲于諸處國朝洪武間重修

康王行祠在東嶽祠旁宋咸平建神姓康名保裔洛陽人也爲彭國軍節度使與契丹力戰死之甚著靈異宇內通祀之

玉融山縣之對山也第二峯有石瑩然如玉故名左有雙旌山



兩峯峭立石旌幢然又有五馬山五峯蜚騰

廷寵墓在玉融山廷寵嘉靖壬辰進士吏科給事中詳郡志  
社稷壇在南隅龍江門之右

山川壇在北隅玉屏山之北

鄭介夫祠在青湖旁祀宋鄭俠 國朝正德十一年建俠字介

夫治平中進士以忤王安石又請罷呂惠卿奪官卒贈朝奉

郎里人表其閭曰鄭公坊 明王應山謁鄭公祠汗青久矣

懷高誼此日蕭然弔古祠戶外松筠標勁操里中蘋藻薦遐

思下僚有疏頻憂國新法非宜最忤時安得監門圖草在玉

融無麥一淒其 葉向高詩上相宣麻出禁城紛紛新法盡

卷三

五

求放心齋

逢迎蒼生幾下監門淚青史長留抗疏名啼盡杜鵑應有恨

歌殘紅雁不勝情只今多少流民在猶向清朝望太平 乍

傳封爭到銀臺折檻朱雲亦壯哉十日真堪霖雨遍九天驚

見畫圖問 餘正氣千年在猶有清風隔代來一自名卿題

詠後春風蘋藻共徘徊 趙參魯詩鄭公慷慨屹長城千載

神來伏臘迎荆 凶舊知空引類監門抗志詎沽名夕飛馬報

驚宸覽曉下天言洞物情何使鯁臣能畢用熙寧何事不清

平 小臣肝膽烈霜臺誓死回天叱偉哉計日甘霖言果驗

產時霾霧力期開清風絕世爲神去英爽凌空挾拂來瑞閣

一秋今祀處讀書孤影恍徘徊 參魯鄭人 郭造卿詩宋室

福建巡撫



百僚士鄭公千古人一圖匡社稷兩軸係經綸袞闕誰堪補  
瘡痍豈盡陳丹心懸北極白首偃南閩日月各俱耀風霜貌  
獨神當年憐逐客異代弔孤臣座拱雙旌屹祠環五馬岫英  
魂傷寇盜遺骨哭烽塵濱海多新壘殘城少舊鄰高山多仰  
止肝胆倍酸辛

首橋在南門外初爲木梁宋天聖五年靈石僧洞然募建長  
四十尋廣二丈五尺名曰通海元祐二年歛石僧顯光及鄉  
人林日進復募終爲梁三十長二十二丈更名坦履紹興二  
十年知縣黃童邑人劉允恭又募緣爲梁八長一十六丈構  
亭其間合前後三橋爲梁二十有五長七十餘丈始更今名

卷三

六

求放心齋

元王治二年僧洪深重修知州吳濤爲記

小孤山在文興里有高士坊宋寶祐四年建文隱坊爲林公遇  
也公遇祖適龍圖閣學士父瑑直寶章閣公遇蔭官不就以  
孝義聞

芳林道院在小孤山下宋咸淳間里之林氏建于北梅亭南畔  
扁曰三教堂卽寒齋高士宅也內有和靖寒齋二先生祠  
林同宅在文興里同字子真公遇之子也弟適劉仝祖恥爲  
元臣功謀復興卽宅開局募兵已取福州元兵至遇害其女  
弟爲右司所執亦不屈而死

網山自海口西行三里許民皆業漁故名邑宰范處義嘗問亦



之詩一山濤生長處土地屬東隅樹樹懸漁網村村叫鷓鴣酒  
旗孤嶼見書卷一山無欲趁雞豚社深心身業儒屋舍高  
低住比鄰活計同答簪嫌月白螳螂要霜紅吠犬隨村落賣  
書成老翁地畝耕種少海熟抵年豐

林亦之宅在網山嘗作亭讀書其上扁曰海漁學者稱網山先  
生

元符陂在新豐里初名天寶陂唐天寶間置宋元符中令莊柔  
正修之鎔銅汁以固其基溉田甚廣

福山寺在新豐里唐時建鄭俠讀書處

卷七

七

求放心齋

水雨觀一名朝元在新豐里

龍江橋跨方民仁壽二里始太平寺僧守思疊石爲基宋政和  
二年里人林遷與僧妙覺募緣成之爲梁四十有二廣二丈  
長一百八十餘丈名曰螺江提江劉清更名永平後邑人林  
栗改名爲龍江與海口江相連深五尺廣五里源出龍首山  
通渤解海口江源出興化界流爲百丈溪至今應鋪爲無患  
溪東流二十里合石隘溪至水陸寺合東經縣之河頭瀦爲  
琵琶洋十八里入海深廣巨測

海口民城在方民里初宋時海口爲鎮聚民市未有城也國  
朝嘉靖三十四年倭犯海口鎮民死者半巡按御史吉澄請



發帑金七千餘賑恤之鎮民願以所頒築城周八百十四丈  
其後倭夷屢犯此鎮有城可守設官統馭之 明陳薦夫海  
口晚望蒹葭靄靄樹蒼蒼平野閒看益渺茫驛路遶山多落  
木孤城臨水易斜陽潮迴近浦寒生雨雁度遙天夜帶霜暫  
息征鞍濱海上烟波千里斷人腸

龍山在海口城東北又名瑞峯有寺在山巔石浮屠七級可觀  
海日出處有井在塔旁歲夕堙沒永樂中建佛殿乃得井其  
冽異常西麓有紅蓮樓綠野堂宋里人章氏所建也其下有  
粧妝潭南麓有林氏草堂宋時建林光朝命以綠野今并廢  
新翔天妃宮三官堂皆鉅麗 明王應山登瑞峯海國名山

卷三

八

求放心齋

擁梵宮塔林瑞色鬱葱葱振衣直上三千尺笑指蓬瀛在日  
東 堂開綠野是誰家瑞氣騰騰映彩霞更借紅蓮窺色相  
山中何處覓奇葩 龍山雁塔總歸歸佛日慈雲相蔽虧  
衣直欲窺蓬島皂帽臨風幸不吹 憑高不放東山屐對景  
能忘九日杯遙意樓頭吹鬢策黃花肯待主人開

龍江書院在龍山西南宋末建中爲殿祀孔子旁爲三賢堂祀  
宋儒林光朝林亦之陳藻

福真觀在海口城宋元祐七年建政和賜額中有丹井爲道士  
林知源修煉處其水清冽病者飲之輒愈

海口場在方民里鹽課隸郡者惟福清海口牛田二場設鹽課



司

稅課局在海口舊有南門逕江二局今廢又有河泊所在鎮權  
漁利

鎮東衛在海口鎮之東有指揮使司 國朝洪武二十年江夏  
侯周德興督造城垣周八百八十餘丈軍器局在衛城北山  
上兵馬司六今并廢福清倉在衛之南教場在東門外里許  
城隍廟在衛東北旗纛廟在衛北戚公祠在衛西鎮山菴在  
衛西南朱文公廟在衛東南其餘祠宇環列不悉載 傅汝  
舟鎮東城樓觀海飛樓盡意觀滄海日斷山河氣自雄斜日  
龍迴波影亂清霄雁掠地形空六鰲信有連芳餌猛士難忘

卷七

九

求放心齋

歌大風獨倚危欄不窮思羨門雞犬滿雲中 王應山鎮山  
臺觀海山寺憑虛鎮海陬層臺夏日足消憂身依法界龍爲  
闕目極滄溟蜃作樓酒罄百壺人倚玉筆凌萬頃氣橫秋靈  
槎肯與乘高興宜似慈航得自由 神州環海浩無窮潮滿  
清秋處處同盈縮百川常應月去來萬斛總因風銀山雪屋  
彌天際員嶠方壺控日東安得溟鵬能借翼與君同訪羽仙

宮

烽火山在鎮東城外海道有警燔燧于此山頂有筵如屋狀幽  
邃掩瞬凡三十六間名曰虎屋 宋林亦之詩興來走上烽  
火山著足不定秋風寒四邊黃茅滑如雨低頭一看毛髮豎



幾年要到紫菜鄉大練小練并東牆如今一時在眼旁白雲  
浮水天茫茫酒闌更欲弔虎屋無端日脚相催促一奴雙髻  
一跛足逐我下山如野鹿

鹿角山在新安里有石如鹿角故名山中巨石有仙篆數字人  
莫能識旁有仙井廣僅尺五其深巨測

小練山在永賓里五代時盧林二姓卜居于此宋時益盛常構  
義塾以教子姓其後科第相踵山當要衝商船咸集號小楊  
州後與海增民同徙連山居焉

敖陶孫墓在東臯山陶孫字器之韓侂胄用事趙汝愚貶死陶  
孫哭以詩韓捕之急變姓名亡命得免後登慶元進士終溫

陵僉判

卷七

十

求放心齋

大姨山在縣東大海中每風色定日未出之先東望一山如空  
青微浮海面小琉球也俗言望見則三日中必有怒風水深  
碧色東流不返有浮莎錯織水上舟能轉柁必剝木爲盂乃  
能旋開浮莎以行或海風暴作漁舟漂泊必至此而止人爲  
其國所獲則以藤串其足令田間耕作故此山夜忌舉火恐  
其國人望之而至也

瑞巖寺在新安里宋宣和四年建洪武二十三年重建山中岩  
洞泉池可勝處不可指數又通海井絕頂石巖中有竅大如  
箕水滿其中春夏不涸人言脈通海潮汐驗盈虛小以覘其



大 宋林誠仲香山洞詩瑞氣擁巖巒中有神仙宅世代幾  
銷沈溪山自今昔 又遊瑞巖詩巖半松門敞不關芒鞋竹  
杖重躋攀天涵鑑水澄清裏人入披雲杳靄間燒藥鑪寒烟  
草碧鐫詩石古雨苔斑干戈滿日何從適日日青山共往還  
徐師仁詩攜筇登絕巘朝爽薄危欄乘勝移杯爵憑高憶  
羽翰泉聲穿石響樹色入秋寒對酒頻長望心同渤澥寬

林希逸詩春朝新雨霽適意過東林遠翠長凝目清流欲洗  
心道存人已去物在跡堪尋數里還家近何妨到夕陰 劉  
克莊天台洞詩嶄嶄巖石畔別有一天台不見桃花水劉晨  
莫妄來 陳曾鑑池詩波極涵遠碧雲淨見天光欲問源頭

卷七

七

求放心齋

水令人憶紫陽 陳宗魯一滴泉詩龍沫凝露珠清冷响澗  
淙誰攜餘滴去雲裏振風鬢 元林泉生題瑞岩寺詩危亭  
跨石出層虛咫尺闌干玩月餘春入岡原分斤鹵烟生林樾  
認村墟江流浩瀚潮來去山色空濛雲捲舒安得一瓢供我  
醉風吟月嘯度居諸 絕磴盤紆路百迴祇林深處有樓臺  
千年松色山中滿萬島烟光海上開野鳥呼風穿樹入洞雲  
帶雨出溪來何時崖畔鐫詩去今日寒蘿掩碧苔 又玉虛  
洞詩空谷結層雲寒泉落空沼中有太古靈悠然隔深窅  
李構八卦亭詩外澗分奇偶中虛涵太極默以見天心畫前  
本無易 又紫霄亭詩晴嵐烘曙光朝霞亂秋色何必問蓬



萊此卽神仙宅

鄭烜詩玉融古名邦山川總奇麗瑞石鬱

高岩卉木雜佳藝琦秀固自如于人有真契久矣松谿君牧  
民有寬惠長挹江左風賓朋集良締遙遙巾車臨渺渺孤舟  
逝于焉結勝遊賡歌採新製憶昔團藥翁于茲得仙蛻元秘  
不可知臺墀上芳薺遺構上有名披尋托來裔依彼賢哲人  
餘風若蘭蕙志士有曠懷同心不同世聚散固有時永期千  
百歲 陳英詩草徑通幽僻禪房隱寂寥開窻山色入欵枕  
樹聲饒檻竹藏春雨林花落晚飈余生不諧世應欲寄漁樵  
江暉休休廬詩風吹松花香霧霽嵐光濕老僧不出門閒

卧看山色

明林鴻遊瑞巖海國橫秀色茲山何鬱盤黃金

卷五

三

求放心齋

巨樓觀積翠開峯巒登高恍神遊注目窮遐觀地迥雲物古  
天秋松桂寒于時灑景清東溟淨波瀾嘗聞有靈草可以駐  
顏顏因思營丹邱回飈生羽翰 陳亮遊瑞巖古磴入虛洞  
危亭俯層巔昔聞魑魅居幻作堦率天生平愛奇觀雙屐勞  
攀緣安知窮海陬有此佳山川涼秋天宇晶四野無浮烟憑  
高送遠目海色清無邊開筵薦方樽拂石看名鐫登臨愜素  
賞感慨傷華顛一邱志未酬百慮紛相牽日夕返吾策高懷  
徒悵然 傅汝舟瑞巖夜懷靈巖不受炎天暑折磴宵穿星  
漢連亭上就雲眠亂石竹間乘月煮清泉幽栖轉見風塵若  
僻性猶煩猿鶴憐人避此身行脫屣肯拋龍劍負飛仙 陳



經邦詩海上有名巖靈異夙所仰偶然作薄遊遂爾愜遐賞  
雲林散清影風泉遞微響恠石聳虎豹淨土絕魍魎危亭與  
飛閣仙聖負來往投寺日已晦我馬暫解鞅侵晨躡丹梯漸  
陟崖以上海竅澄而深一酌萬慮爽石門多險邃洞室半幽  
敞振衣千仞臺益覺心目廣江山相映帶百里豁如掌遙天  
接汗漫薄暮窮蒼莽蓬瀛如可求濠濮焉足想悠然物外情  
能不愧塵網 沈明臣詩高眺瑞巖岡海風吹日黃千峯分  
翡翠萬石卧牛羊秦洞桃花閉閩江春水長登臨在天末白  
髮感年芳 戚繼光瑞巖望闕臺萬里驅馳海色寒孤臣于  
此望乘鑾繁霜盡是心頭血洒向千峯秋葉丹 屠隆宿瑞

卷七

三

求放心齋

巖寺詩偶向名山宿巖空不掩扉風鳴黃葉落江冷白雲飛  
潮滿魚初上蘆深雁到稀揚帆望浦口鄉思正依依 葉向  
高詩自愛名山好頻來問遠公危峯幻窈窕恠石削玲瓏躡  
磴方疑墜穿雲路忽通苔深科斗字塔隱蘂珠宮波靜江如  
鏡林開月似弓飛觴臨水洞移榻就松風棋響疎鐘外歌聲  
別院中長憐詩作癖誰識色來空多病塵緣薄奇探勝地窮  
平原情不淺河朔意偏雄轉憶曾遊者今朝若箇同 郭造  
卿重登瑞巖詩不厭頻登眺江山勝槩饒晴嵐浮遠嶽落日  
渡橫橋丹鼎詮誰秘元關路不遙臨風乘逸興縹緲接松喬  
余翔同蔡伯華題瑞巖海上孤峯削不成春來延眺薜蘿



清杯傾竹葉青山醉石掃蓮花彩筆橫飛蓋低松雲欲墜行  
歌出谷鳥初鳴孤臣莫洒中原淚一謫長沙萬古名 施德

政遊瑞巖詩最愛名山洞壑多招尋不爲佞維摩紅飄法雨  
諸天近白跨長虹夾岸過噴雪飛泉成鼓吹干雲古木挂藤  
蘿翛然似隔人間世徙倚層臺只浩歌 丹樓紺殿并崔嵬

眼底烟霞四望開江樹半含春雨後海潮遙帶夕陽來數聲  
野鳥和清磬百丈蒼虬卧綠苔爲問靈源誰第一玉融咫尺

卽蓬萊

德政大倉人  
福建都督

黃用中瑞巖寺詩海濱候早寒朔風

勁如射繚繞靈洞深淅瀝寒泉瀉地主虔行庖林僧肅延迂  
陽巖險莫躋陰壑暝如夜落景從歸驂疎烟起田舍 徐勣

卷五

古

求放心齋

題瑞巖寺雲際諸峯列翠屏振衣臺上俯滄溟龍鱗老樹摩  
天碧螺髻浮山隔海青怪石何年鑄佛相幽巖從古集仙靈  
到來便欲迷歸路流水桃花洞不扃 陳价夫題瑞巖寺上

方宮殿陟崔嵬高閣憑虛倚石開歲久藤花侵講席春深榕  
葉暗香臺半林倒影墟烟合幾點浮空海舶來自是登臨人  
不乏姓名無限翳蒼苔 又海竅詩石崖有一竅下將滄海

通貯水久不涸尋源窅難窮兒童戲提擲瓦礫盈其中大如  
半斛匏外狹而中空中涵不測淵乃與溟渤同尾閭洩不盡  
息壤堙無功夏草未可問齊諧竟誰逢吾聞三神山乃在瀛  
海東試從此竅入遠達蓬萊宮願作費長房委身逐壺公鵬



鳩祇自笑蠻觸徒相攻神奇尙不沒請附漆園翁 又登振  
衣臺望海詩高臺一望俯溟濛畧指方隅認海東遠樹半分  
鼇背雨危帆低接蜃樓風雲濤浩渺騰青氣烟鳥微茫映碧  
空最愛川原殘照後落霞孤鶩有無中 又登望闕臺讀戚  
大將軍詩滄海鯨波一日平將軍會此拜神京高牙已落降  
王胆片石猶存望闕名旗鼓說壇應號召龍蛇筆陣尙縱橫  
燕然舊勒皆陳迹蔓草寒烟感慨生 又石彌勒佛自脫閻  
浮不記年何因更向此安禪金剛妙相元非石兜率高居尙  
有天閣外塵埃悲濁世門前滄海見迷川也知後劫應難遍  
早結三生禮定緣 陳薦夫夜投瑞巖寺海色蒼蒼白露寒

卷七

五

求放心齋

征途初倦叩禪關似聞僧語青冥上乍見窓開黃葉間清梵  
聽來山月曉荷衣濕盡嶺雲還心知淨境誰留滯坐向松間  
一夕閒 曹學佺遊瑞巖海氣凝竒狀山形建瑞標虛中能  
不斷古色未曾消雲去時穿石泉來每應潮與君行復賞人  
境正堪遙

洞溪橋在脩仁里宋紹聖間僧契慈建紹興中里人林昭顯募  
緣續建凡十門廣八尺長二十四丈元季圯于水

劉砥墓在脩仁里應乾寺之西砥初葬長樂金雞山改葬今所  
延慶寺在新安里五代唐長興間建初名靈曜宋天聖中錫今  
額山泉甘冽所產茶亦異常品



拱辰山在方成里與龍卧山皆負海山有三峯山峯狀如牛角而北拱故名俗呼牛角山下有石洞叵測風從之出舟人避之一石如鼓方廣丈餘一指推之則動兩手盡力則不動又有仙人跡煉丹竈石盆其在龍卧山有馬石五龍潭一宋乾道九年令劉敦禱雨有應爲立龍堂淳熙二年令范處義刻像祀之其下有寺

陳廉墓在塹柄山廉字平叔草書得張旭筆法時稱黃山翁林安宅在方成里安事母至孝母死廬墓旁有石裂湧泉甚甘閩王異之以其廬爲湧泉寺

林正華墓在古龍拱辰山宋尙書郎邱與齡篆林孝子石正華安之六代孫也母卒水漿不入口者累日已而廬墓側有甘露之瑞世稱湧泉大小孝子

螺嶺在縣北六十里勢高峻如青螺登其顛北瞰方山若咫尺間半隸閩縣

天王寺在縣北遵義里梁大通二年建初名法建唐咸通三年更今名有湖亭之勝

浮應廟在義泉嶺下神陳姓能禁虎暴宋淳祐中賜額今廢石龍嶺在遵義里山之巔有義泉云嶺下有作枋橋

七仙巖在遵義里相傳七仙居此其洞猶存洞口甚狹內通長樂縣界



五周巖在方輿里接閩縣界相傳兄弟五人巖棲于此後俱得道昇解有碁盤仙跡之類

傀儡嶺在方輿里以形似名下有應石在嶺北驛路旁過者有呼其應如響

常思公嶺在常思嶺之南有鋪十里達于磨石又十里爲太平鋪

金翅山在永福里從大義白鹿山中越二十里矗起數百丈形如大鳥展翅故色

天然寺在方輿里唐咸通間建相傳仙汲泉碾茶處又斂石寺亦唐時建 國朝隆慶中重建

卷七

七

求放心齋

仙舉巖在新寧里與永福縣接壤峭拔千仞無階可升其下有石有穴泉源不竭可飲數十人旁又一石鼓叩之則鳴與靈石九疊峯并峙相傳有仙人昇舉于此遺跡猶存

石埕橋在太平橋之北從橋以南十里至高車鋪又十里爲宏路驛舍橋而東有徑路入福清稍近

宏路驛在善福里有鋪十里達于金印爲周道從驛而東抵縣二十里而近

陳仕賢墓在善福里仕賢嘉靖壬辰進士積官都御史

古屯在善化里邑人屯兵處又里中有軍寨在石竹山下宋初宿重兵禦盜于此其旁村猶曰虎屋



石竺山在永壽里山形峭拔有石巍然山顛漢何氏九仙所遊  
之地禱夢輒應相傳有林元光者修煉茲山丹成騎虎上昇  
今虎溪岩石上有井雖旱不涸宋乾道六年有大石自移聲  
如雷山有紫雲洞羅漢臺普陀巖靈寶觀半山亭紫磨獅子  
象王諸峯之勝 宋林亦之石竺山半載空拳把疏頭新成  
樓閣石山幽未忘囑付樗居士送紫雲師紫帽遊師知緣熟  
向溫陵騎虎如翁現化身袖有先容應得力陽巖佛地位中  
人 林希逸石室詩苔入紫巖隙籐枯半壁花山靈不敢住  
分付與僧家 又雙鯉石日炙豈曝腮雷驚不燒尾真人上  
昇去留得琴高鯉 洗耳泉是非不須聞好惡不須聽若要

卷七

六

求放心齋

心源清無如耳根淨 陳遂昇仙壇詩仙樂寂無响雲旂悄  
不翻曉雲生石罅夜雨長苔痕 又朝斗巖片石平如砥朝  
真仰太空星移瓊簡露月落羽衣風 又無盡泉高山有泉  
脈井石半瓢如汲之應不盡不汲亦無餘 李丑父朝斗石  
詩身立魁杓近月明星露寒雲中幾聲磬誰信是人間 元  
林泉生鶴影石詩鶴來仙已去誰料虎能飛怒入青山骨千  
年永不歸 明林鴻遊石竺山紫雲洞羣山際滄海一峯凌  
紫雲昔人煉丹處石室莓苔紋飄飄龍虎車卽此「丹闕惟  
餘白鶴影宛在青松月下靜者廬其人頗淳龐一木落天  
鏡萬花明石牕藥物有時暇還來扣岩關心與魚鳥親身隨



天地閒伊余汨流俗十載未應還長歌賦招隱夢華

海

王恭遊紫雲洞詩仙源迢遞紫雲間逸興逢秋偶獨攀  
海鶴歸空夜月瑤臺人去但荒山苔邊積水流天鏡鳥外遙  
峯點紫鬢石竹房中孤磬晚此身那得野僧閒 林敏曉登  
石竺山卧龍潭飛軒宿洞碧溪口寒流深溪南一峯峻衆壑  
波上陰杉松亂天影水月乃予心時節開竺書寂寂空中音  
襍花逗秋思鳴瀑絃素琴願乘白鶴影永矣諧幽尋 鄭善  
夫宿石竺山寢疴坐情累削跡離故家妙茲中秋景氣候清  
且嘉迢迢紫雲洞渺渺天一涯尋壑聽泉流攀岑悟靈芽千  
峯遞生態百草互吐葩周覽蕩節物況乃凌紫霞神仙如彷彿

卷七

九

求放心齋

佛道我入幽遐丹砂未易營緇鬢早已華神理寓隱蹟時變  
增感嗟至人有逸念存 非所多 傅汝舟宿石竺二扁舟百  
里尋仙去細雨千林興不遲巖側盡聯鐘磬下路疑全仗鹿  
麋知丹房日暮生光怪碧海年深費夢思便擬離羣從此地  
攀雲採藥任吾之 顧大典遊石竺山亦是栖真地雲房終  
日扃竹侵幽澗綠石繡古苔青飛閣懸疑墜孤筇振復停入  
林依宿莽抱葉見寒挺伏磴窺潛鯉層臺仰摘星紫雲時拂  
洞丹竈尙留亭旅館宵無寐塵心夢未醒還栖歸隱處一爲

叩仙靈 王世懋同劉司理登石竺山雲裏孤筇陡自扶千  
巖萬壑錦模糊灘聲下界常朝暮雨態中峯乍有無洞冷不



教清夢境山幽真擬作仙都天台幸許郎伴敢問登高是

大夫 陳朝璇登石竺探花峯覽勝欲窮三島秀躡奇仍上

探花峯東瞻溟渤數千里南望雲山幾萬重青鳥碧桃春寂  
寂玉芝瑞草晚茸茸我來一發蘇門嘯聲落寒潭起卧龍

王湛遊石竺山仙子遨遊地高秋試一尋壇空青鳥下洞古  
紫雲深月色清人夢泉聲浣客心竹風鳴永夜彷彿鳳笙音

又重遊石竺紫雲洞葉落與啼猿山空處處聞攀蘿入古  
洞掃石宿秋雲澗影搖空翠松陰下鶴羣丹房夜幽寂倘得  
遇茅君 陳椿石竺巖仙源何縹緲壑宅幾縱橫樹挂晴霞  
影崖通瀑水聲丹房思煉藥石洞憶吹笙安得耽元叟同來

卷三

三

求放心齋

頂上行 陳价夫宿紫雲洞古洞闕清暉林香轉翠微犬迎

松影吠猿度石潭歸落日空丹竈秋風上客衣坐看猴嶺鶴

長遶白雲飛 徐燧遊石竺山一逕費攀躋羣峯盡覺低千

層環碧嶂百級掛丹梯山峻天疑近林深路轉迷空中飛鳥  
絕樹杪亂猿啼跳浪多山鬼盤旋半虎蹄解衣穿草莽揮手

挾虹霓鯉去仙留跡丹成竈有泥看碑尋篆籀煉藥乞刀圭  
吟眺意俱適徘徊日漸西扶筇下山去月色印前溪 施德

政遊石竺山勝地聯塵壻當年策短筇狙馴僧共狎石怪樹  
偏濃仙去丹爐在人過碧蘚封望中青一點恍惚妙高峯

徐渤遊石竺山不到茲山已十年重攜雙屐紫雲邊青峯盡



入啼猿樹丹壑曾飛跨鯉仙竹杖策殘蘿徑月薜衣穿破石  
門烟劉郎媿作尋真伴忽見桃花憶舊緣 馬欵詩古洞凌  
虛鳥道危風篁蕭瑟薜蘿垂擬隨白鹿探靈境故向名山覓  
紫芝壇靜鶴窺行客跡松枯雲護掛猿枝塵心洗盡疎鐘杳  
清夢長宵落月遲 袁敬烈晚至石竺二玉洞千年古都消物  
外情暝烟孤鶴返微月夜鐘清石磴盤猿穴松風雜鳥聲神  
仙如可問同此學長生

許良朋墓距石竺二里許良朋積官都督僉事

欽賜祭葬

無慮溪有橋在宏路驛東南源出石竺二山天寶石入于交溪相

卷三

三

傳林真人以此水飲病者輒愈故名

靈石寺在清源里其山磅礴百里峻拔千仞層林積翠飛泉嫩

玉山顛有石久晴鳴則必雨久雨鳴則必晴有三峯九疊其  
勢插天層級可數曰留雲雲留或經旬不散曰報雨久旱欲  
雨其峯震撼有聲亦一奇也又有通天石仙人崖戲龍潭碧  
仙洞諸勝唐武宗時始建菴宣宗時剏精舍名翠石院懿宗  
賜靈石俱胝寺額宋天聖初復廣寺宇有十勝亭榭盡廢獨  
蒼霞寺朱文公書扁蟠桃塢石刻尙存 唐元結贈靈石俱

胝詩萬卷千編總不真虛將文字役精神俱胝只念三行咒  
自得名超一世人 明葉向高詩靈源幽徑隱珠林曲曲溪



光抱遠岑路轉層崖天欲盡雲歸深樹晝常陰芒鞋好趁中  
山約尊酒能忘物外心此去武陵應咫尺桃花流水許相尋  
應峯寺在清源里唐大中間建 明葉向高詩芳溪沿盡出層  
阿古寺經行感慨多雲冷法堂喧鳥雀春歸幽徑長藤蘿空  
花零落無僧住暮雨淒涼幾客過乘興欲窮天際路數聲鐘  
磬隔煙波

黃蘗寺在西南清遠里沙門正幹從六祖得其傳唐貞元五年  
建院名般若堂今十二祖師堂其地也德宗賜建福禪寺額  
國初重建嘉靖間倭變經燬其山多蘗木有峯十二瀑布  
澎湃瀉巖石間止而爲龍潭居之禱雨輒應寺之西有嵩頭

卷三

三

求放心齋

崖乳香出石罅間 梁江淹遊黃蘗山長望竟何極聞雲連

越邊南川饒奇怪赤縣多靈仙金峯各虧日銅石共臨天陽

岫照鸞采陰溪噴龍泉殘机千代木厝岬萬古烟禽鳴丹壁

上猿嘯青崖間秦皇慕隱淪漢武願長年皆負雄豪威棄官

爲名山況我葵藿志松木橫眼前所若同遠好臨風載悠然

唐宣宗與黃蘗禪師觀瀑布聯句千崖萬壑不辭勞遠看

方知出處高

禪師

溪澗豈能留得住終歸大海作波濤

宣宗宣宗

微時遯迹爲僧後登寶位誦其詩氣象迴別 宋陳確報雨

峯峭拔藏蒼龍烟雲掩晴昊天際雨欲來山靈已先報 運

使熊徹塔詩月塔影來山店北暮鐘聲落海門西 丁公言



詩莫言塵世人來少幾許遊方僧到稀 李彌遜黃蘗寺詩  
苦爲捫蘿行正坐愛山僻振衣雲中樹洗耳泉上石稍尋優  
鉢林偶傍瞿曇宅溪橫走羊腸山轉回龍脊兩難伴搢笏二  
老共飛錫望迷落葉秋坐斷蒲團夕雲歸遶窻明香盡出簷  
碧希聲發崖竇妙觀生牆壁塵緣苦推攀勝事成今昔離家  
月垂鈎歸路月挂壁師今一帆輕我向百里役船子罷持橈  
趙州行驀直 林希逸詩黃蘗山前古梵宮早年屢宿此山  
中猿啼十二峯前月鵬送三千里外風日者共遊因朔老期  
而不至有樗翁騎鯨人去相如病更欲躋攀誰與司 陳藻  
黃蘗香爐峯詩黃蘗寺前猶突兀祖師塔外別安排香爐好

卷七

三

求放心齋

是中尖小無數峯巒拱揖來

元劉夙題黃蘗寺息老堂詩

頃來法席如師少老去生涯似此無直寄天年謾龜鶴却收  
化日到桑榆蒼環作抱三臺壯編帶明空一水紅時拂東齊  
壞雲衲更關南越隱居曷買山支遁無初費示疾維摩本不  
徒夜雨龍腥飛別澗晝烟禽哢落高梧齋餘短捉清生塵坐  
久柔團煖稱蒲三樂榮期猶俗物二毛潘岳信拘儒禪林彪  
虎新眠熟覺海鳥藤舊攪枯不學昔人悲唾遠已將茲世脫  
魚濡 明葉向高黃蘗山觀龍潭詩四首黃蘗安禪地青蓮  
選佛場金繩開翠碧銀漢挂雕梁路轉空香杳堵侵定水涼  
何因長洗鉢且得共飛觴 靈跡何年著鮫宮此地開湍泉



爭噴霧激响欲奔雷不辨摩崖字空餘翳石苔誰云弱水隔  
峯頂卽蓬萊 寶地圍青嶂龍湫落翠微晴虹低飲澗寒雨  
亂侵衣濺石驚珠墜因風誤雪飛臨流欣濯足心賞莫言歸  
入谷山如削蒙茸手自披澄潭含樹碧高岫與雲疑波動  
龍初戲人來鳥共窺不緣避暑飲安得此探奇 徐渤宿黃  
蘗寺青峯十二削芙蓉黃蘗開山第一宗陰洞有靈蟠巨蟒  
古潭無際蟄神龍門通數畝林間竹路指千年澗底松覓得  
雲房聊借宿半天殘月上方鐘 曹學佺龍潭詩雖云七潭  
水定有幾龍蟠不礪因辭繞無梯亦輟盤冥冥乘氣下冉冉  
自空搏璀璨日成幔鬼峩雲作冠按音非一部取象亦千端

卷七

十四

求放心齋

爲雨俄爲雪似雷復似灘簾垂不可盡珠碎更能完周姬耽  
裂繒班女恨裁純蓄素仍舒采看碧漫成丹上古終無霽四  
序但知寒猿啼頻失响禽翔屢落翰盛徒喧笑入猶然覺旅  
單

香城寺去黃蘗二里許 明徐渤詩隣僧遙引路嶺度百盤蒼  
高處見溟海空中聞妙香暮雲孤刹冷秋草古壇荒十里坡  
藜入下山無夕陽 衆香元有國此處獨名城古篆舊留蹟  
暮鐘遙送聲樹多猿叫嘯路有虎經行一片鋪金地西風禾  
黍生

安福寺在清遠里唐大中間建宋嘉祐中重建有熟梅軒 宋



林希逸詩梅子黃時四月秋小軒流水最清幽山僧坐到禪  
機熟不挂眉頭一點愁

翁陂山在清遠里有林公遇墓

逕江在南靈得里其源一出舊興化縣金支大潭與漁溪合流  
爲逕港南至綿亭東抵烏嶼門又南至雙嶼頭岐而爲二東  
出白嶼西出後嶼復合于昭應廟會迎仙港入海

躡雲橋在逕江翠林宋元豐中僧守思及其甥李誠募造長三  
十丈政和五年復築室于橋亭之西 國朝嘉靖間重修叅  
將戚繼光大破倭于此

漁溪里在萬安里

卷七

七

求放心齋

聞讀山在福唐里舊名小隱巖唐水部陳燦讀書于此樵者躡  
山麓聞絃誦聲疑爲神不知其燦也後改今名上有過雲碣  
潛公室講讀臺獅子跡

沙塘民城在縣南五十里隆慶間築

鼓樓在縣南隆仁里閩王審知調兵築海堤建樓于此鳴鼓角  
警夜故名

祭苗墩在鼓樓之東閩王祈穀于此其墓猶存

牛田塲在時和里有鹽課司民居鱗次多著姓嘉靖季叅將戚  
繼光大破賊于此

靈隱寺在龍仁里宋政和五年建有不溢泉平步臺小龍潭海



月菴 明陳亮詩世路多喧囂春山自幽靜偶從澹蕩人共  
陟招提境沙明日在野林暝雲起嶺憩石歌且吟傾瓢醉還  
醒方欣靈府曠漸覺塵慮屏預恐解攜歸愁襟復難整

拜井在井得里相傳閩王築占計塘鑿井無泉拜而得之故名  
化北里在縣東南六十里民居鱗次亦多大姓隨時掠琉球五  
千戶居此

大湖洋跨潯洋隆仁福唐二里溉田甚廣

嘉福寺在化北里宋建

澤朗山在化北里有巡檢司

黃蘗鄭渚在萬安里宋天禧間僧履元築堤其上望若長坂外  
捍內防日與風濤爲敵

化南民城在縣東南六十里嘉靖間築

福興寺在化南里宋慶曆四年建 國朝洪武二年重建

蘇溪在西南安香里源出莆田縣界西通橫山潭漚流于此故  
識云蘇溪不用船此時出狀元

昭應廟在蘇田里漁溪上虞雄者閩王牙將也與海寇力戰漁  
溪死民爲立廟甚著靈異宋紹興二十六年賜今額

虞雄墓在蘇田漁溪之南

雲峯在安香里峯之絕頂爲白澤崖有大石巍然下覆中有石  
門可容數十人又有雙髻峯頂有仙壇宛若天成高二丈餘



四面如削有石爲級亦皆自然宋乾道二年雷震爲二  
重興寺在西南光賢里五代周顯德二年建初爲菴名大悲至  
是拓之乃更今名旁有石高峯石馬泉

新興寺在光賢里宋太平興國中建本崇福院舊址孝子翁仁  
凱廬墓所

蒜嶺驛在光賢里上接宏路下通莆陽山石間多產蒜苗故名  
或云山形如蒜瓣也又名草堂山東望漲海瀾漫無際嶺頭  
舊有照海亭東有翁承贊庄并書錦亭俱廢 宋劉克莊詩  
松氣蒲山涼似雨海聲長夜近如雷

昭靈廟在光賢里余坑漢時有趙昇者師事張道陵常乘鐵舟

卷三

七

求放心齋

抵浮山舍舟而陸憩于盤石留筠籃履杖跡于石上宋天禧  
元年邑人高贊倡衆立廟皇祐中陳良爲記熙寧十年封  
禧真人紹興八年賜額元時廢 國朝洪武三十年重建

盧焦石在昭靈廟前海中高廣數丈風濤激激爲龕巖玲瓏之  
狀採玩者必獲神譴

迎仙港源出舊興化縣合桃源之水爲大溪至迎仙寺市爲子  
魚潭又歷縣境黃茅墩合蒜溪出江口入海江口有橋舊名  
上洋橋之南爲莆田縣界

江陰里在縣南九十里海中統圖六

白巖山在江陰里又名陳田山之絕頂有鴻休崖崖竇天成下



瞰滄溟浩無際涯昔嘗有僧鴻休居此故名又鳥窠巖在鴻  
休巖之西累石爲之初鳥窠遊杭巢木杪而居守白居易往  
訪之曰得無危乎荅曰如公所處則危甚詰之乃言薪火不  
停識性交攻安得不危白點頭道是以詩贈之後居此山故  
名其巖

雙巖在江陰里二山海中突兀相對又名仙巖上有魚戶百家  
蔡道者所居石巖可居十餘人有石井亢旱不竭其水甘冽  
東又數巖及百年洞鄉人立神祠洞中又有草巖堂與宿霞  
島乾道二年徙其居民于連山

壁頭山在江陰里距縣五十里有巡檢司洪武十二年建

卷七

天

求放心齋

萬安所城在平南里去縣百二十里而遙有百戶千戶置戍焉  
國朝洪武二十年江夏侯周德興督造城垣周迴二百二  
十五丈八尺高一丈八尺廣如之建樓其上

牛頭山在縣西南有巡檢司洪武十二年建海漁成市

海壇山在東南大海中又名東嵐唐牧馬地泰清中始有寺宇

宋初置牧監尋罷南北長東西狹周遭七十里故元戶滿四  
萬陸州以海壇諸里佐之居民市散村落不一山勢遠望如  
壇故名 國朝洪武二十年以後寇猝至難于備禦轉徙其  
民有遺畜自相孕育其山舊產馬鬣有異文蓋龍種云海壇  
之支爲水獨清而甘有石井通海深不可測初海壇有田甚



廣居民耕種焉後圯于水

閩都記卷之二十七終

卷二十七

无

求放心齋